



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum die Jovis decimâ-sexâ
Februarii M. DCC. XLI.*

M. MICHAËLE - PROCOPE COUTEAUX,
Scholarum Professore designato, Doctore Medico,
Præside.

An eluendæ Catochymie, repidæ potus?

I.



ITA in sanguine. Sanitas & morbus ab eodem fonte.
Sanitas, in legitimâ ipsius principiorum inter se pro-
portione, justo æquilibrio, & moderato circuitu con-
sistit: morbus contra. Primò vitiantur fluida. Quæ
solidas partes lædunt incommoda, à fluidis alteratis
ortum trahunt: sic malorum omnium reus sanguis. Solâ quanti-

A

tate nunquam, qualitate semper peccat. Morborum ergò prima, antecedens, universalis & unica causa, Cacoehymia. Male cum ipsâ plethoram junxerunt veteres; si per hanc, nimiam laudabilis sanguinis copiam intelligas, nulla est: si vitii, adest: sed Cacoehymia effectus est & symptoma. Hominem concipitò bene sanum & incolumem, cujus in vasis nec deest nec redundat humor. Hunc putas unquam plethorâ laboraturum absque antecedente Cacoehymia? Erras. refer animum ad veritatem. Mechanicas corporis nostri leges attende. Ubi naturali motu perfectus in machinâ fluit sanguis, ad pondus & justitiam in glandulis fiunt secretionès; non plus æquo bilis in hepate, non plus succi pancreatici in pancreate, non plus fermenti in ventriculo secernitur. Hinc ea recte digeruntur alimenta quæ ad vitam necessaria. Si nimis gulæ inserviat, major equidem aderit chyli, major quoque sanguinis, sed vitii, copia. In Cacoehymiam igitur ut in communem morborum omnium matrem insurgendum; verum prius est nosce quam agere: sicut boni ignoti nulla cupido, sic & mali ignoti curatio nulla.

I I.

MASSAM sanguineam vitio arguit Cacoehymia. Vitii sanguinis male duplex vulgò assignatur causa antecedens. Unica est coagulatio. Dissolutionis parens est: hæc fieri nequit nisi præcesserit altera. Dissolutum vocamus sanguinem, ubi nullo amplius inter se nexu devinciuntur ipsius partes. Divulsionem illam fermentatione, fermentationem hanc coagulatione produci, docet Ars Chimica. Alkalium poros occludunt salia acidia; hinc coagulatio. Occlusi ipsorum pori liberum materiæ subtili negant transitum: hæc undeque iter quærit, totis expedire se conatur viribus; hinc fermentatio. Varijs succussibus plus nimis extenduntur & à se invicem segregantur partes; unde dissolutio. Ex feroci acidorum cohorte oriuntur hæc omnia. Superfluos itaque frangat & eliminet, qui Cacoehymiam eluere contendit. Sublatâ causâ tollitur effectus; sed hoc opus hic labor est.

I I I.

IN eluendâ Cacoehymia duo spectanda sunt. Frangenda salium acumina, eliminandi sales noxii. Ut hoc præstent medicastri ad innumera confugiunt remedia; modo Alkalina, modo abfor-

bentia, modo purgantia præbent. Profunt ista; conceditur: sed quid tanto remediorum apparatu necessum est, si unus, simpliciori & placidiori, meliùs, tutiùs & jucundius solvatur morbus? Non numero sed virtute sanatur. Inter varia remediorum genera, præstantiora, quæ simpliciora, quæ mitiora. Omne tulit punctum qui miscuit utile dulci. Quæris quodnam sit simplex illud & gratum Cacochymia? Specificum? Aqua tepida. Rides? Ipsius indolem & dotes attento animo perpendas, intentum habebis.

I V.

MEDICAMEN illud, quo, sublatâ morbi causâ, sanatur æger, specificum audit. Quidni & aqua tepida? Ipsâ Cacochymia causam eliminari patet ex illius analysi. Aqua est corpus fluidum, particulis constat lævibus, anguillaribus, laxo nexu inter se junctis, jugi motu concitatis. Igniculis leniter agitata anguillares, quosvis salium poros facile subeunt, distendunt, dissolvuntque. Solutos sales excipiunt per aquam disseminata vacuola. Exceptos lymphæ nativæ fluiditate devehit. Sic, restituto naturali sanguinis circuitu, abscedit Cacochymia, consurgit valetudo. Sed, inquires, hæc eadem producere valet calidior, frigidiorve. Fac sit. Prudentis non est viatoris, horrendis undique circumdatam abyssi viam consectari, cum alia trita & expedita patet. Quot & quanta ex nimio calore & frigore imminant pericula, experientia demonstrat. In medio stat virtus. Unde non immerito sanitatis tuendæ gratiâ, potum sanguini tepore analogum, jubet verus adagium.

V.

QUI sanitati infensissimam oppugnare contendit Cacochymiam, eam in sanguine quærat; sub salis acidi nomine delitescentem reperiet. Hoc expugnare conetur; verum caute se gerat, ne cadens omnia secum rapiat. Plus aliquando prodest, plura in bello præstat industria quam impetus. Facilius & securius fraude quam vi debellantur hostes. Sagaciter igitur, blande, placide, consulat valetudini, qui Medici nomen sibi vindicat. Ea exhibeat remedia quæ in ægrorum solatium & levamen, absque ullo futuro discrimine, vergere possunt. Hujus indolis est aqua tepida. Salium acidorum acumina implicare & frangere, sat non est; insuper

4

eliminanda. Nemo planè victor, nisi fugatis, dispersis & penitus deturbatis omnibus hostium copiis. Alkalinis, absorbentibus intricantur sales acidi, adjunctis purgantibus foris detruduntur: sed non multiplicanda sine necessitate entia, nec remedia. Utroque solo fungitur officio aqua tepida. Ad hanc itaque confugas. Nec tibi laborem faciat insulsæ plebis adagium, aquæ dulcis Medicinam fastidiens. Cantet gallus. Modo convalescat æger, de cæteris non laborandum.

Ergò eluendæ Cacoehymix, tepidæ Potus.

Proponebat Parisiis FRANCISCUS - DAVID HERISSANT, Rothomagus,
Baccalaureus Medicus. A. R. S. H. 1741, a sextâ ad meridiem.